

Tebatan banjir Sungai Golok dijangka siap 2019

Kuala Lumpur: Projek Tebatan Banjir Sungai Golok Rantau Panjang yang menelan belanja RM1.4 bilion akan mula dilaksanakan pertengahan 2015 dan dijangka siap pada 2019.

Timbalan Menteri Sumber Asli dan Alam Sekitar Datuk Dr James Dawos Mamit berkata, kerja pembinaan itu membabitkan kawasan bermula dari Sungai Lanas hingga Muara Sungai Golok di Pengkalan Kubu Tumpat.

"Kajian mengenai projek ini sudah dilaksanakan Jabatan Pengairan dan Saliran (JPS) Malaysia sejak 2010.

"Ia bertujuan untuk mengurangkan masalah banjir di sempadan antarabangsa Malaysia dan Thailand, terutama Pekan Rantau Panjang," katanya menjawab soalan tambahan Siti Zailah Mohd Yusoff (PAS-Rantau Panjang) di Dewan Rakyat, semalam.

Siti Zailah ingin tahu me-



DAWOS

ngenai perkembangan Projek Tebatan Banjir Sungai Golok Rantau Panjang dan bila ia akan dilaksanakan.

Kepada soalan tambahan Siti Zailah yang mempersoalkan peruntukan RM100,000 diterima JPS, Dawos berkata jumlah itu bukan untuk projek tebatan, sebaliknya diluluskan bagi pelaksanaan projek penstabilan tebing.